

COMUNE DI BALLAO

Provincia del Sud Sardegna



COMUNU DE BALLAU

Província de Sud Sàrdigna

SETORE :

Sìndigu

Responsabile:

Frongia Gian Franco Rafeale

ORDINÀNTZIA N.

4

Sa die

16/05/2023

OGETU/CHISTIONI:

ORDINÀNTZIA AIB – CONTRA IS FOGOS IN LOGU DE BOSCU 2023

SU SÌNDIGU

BIDA sa Deliberatzioni n. 17/53 de su 04 maju 2023 chi at aprovalu is Òbligos Regionales Antintzèndiu pro su triènniu 2023-2025;

BIDU su Pranu Comunale de Protetzione Tzivilè – Arriscu Fogu de Interfàtzia, aprovalu in bia definitiva cun sa Deliberatzione de su Cussìgiu Comunale n. 23 de su 03 làmpadas 2011;

BIDU su Regulamentu Comunale de Politzia Urbana e s.m.i.;

TENTU CONTU chi, a càusa is cunditziones istajonales chi favorint s'ispàinu de tzintalu, arrigini e ogni àteru babboi, est avesu a ativarè in s'àrea urbana e a ingiriu de sa bidda ogni mesura ùtile pro amparare de sa salute pùblica, s'igiene ambientale e sa preventzione contra su fogu;

Cunsideradu chi sa trascuradesa e s'abbandonu de is àreas lìberas non fraigadas, de is terrinos lacanàrgios cun fràigos o edifitios e de is cungiados, pro more de sa presèntzia de erba e matones, podent causare fogos;

ABETADU chi ogni forma de abbandonu o depòsitu sena controllu de refudos in terra, sunt unu perìgulu costante pro s'incuinamentu de su territòriu;

PIGADU ATU de s'istadu de degradu e de abbandonu de vàrias àreas urbanas, ortos e fràigos;

EVIDENTZIADU chi sa presèntzia de canes e gatos sena maere, in logos pùblicos o abertos a su pùblicu, favorint su trasportu e s'isvilupu de babbois e de tzepias;

RETENTU pretzisu, netzessàriu e apretosu, programare totu is interventos e adotare totu is provedimentos pro s'amparu de sa salute e de s'igiene pùblica, de sa preventzione de is fogos e de amparu de s'ambiente e puru de sa seguresa urbana;

BIDA sa Lege 353 de 21.11.2000 e s.m.i.;

BIDA sa lege 24 santandria 1981, n. 689 e s.m.i.;

BIDU su Decretu Legislativu 3 aprile 2006, n. 152 e s.m.i.;

BIDU s'art. 50 comma 5 de su D. Lgs. n. 267 de su 18.08.2000 e integrazziones e cambiamentos imbenientes;

BIDU su Testu Ùnicu de is leges sanitàrias n. 1265 de su 27.07.1934 e s.m.i.;

BIDA sa L. 225/92, gasi comente modificada dae sa L. 100/2012, chi individuatu su Sìndigu comente Autoridade Comunale in matèria de Protetzione Tzivilè;

CUNSIDERADU in prus su nùmeru mannu de terrenos, giardinis, cortes e àreas, possessos, in ue a cale si siat titulu de privados, persones fisicas o giurìdicas, dae ue isporgent cresuras, cambos de matas cara a is caminos pùblicos chi insùgiant o diat pòdere insugiare, cun sa ruta de frutos, frores e fògias, e podent fintzas èssere unu perìgulu pro is chi passant;

RETENTU, duncas, de dèvere ordinare, mesuras amparu de s'integridade fisica de is tzitadinos, comente subra definidu, fintzas sa pudadura de custas cresuras, cambos e sìbiles, chi abrontant a is caminos pùblicos, in base a sa matessi normativa e segundu su matessi iter lògicu giurìdicu, cunforma su chi est istadu giai naradu;

ÒRDINAT

1. In is àreas de su tzentru abitadu e a inghiriu de sa bidda, intro unu tretu de 50 metros dae is ùrtimas abitatziones chi s'agatant in àrea urbana, siat de propiedade de privados siat de Entes Pùblicos, is sighthentes providimentos:

1. A is propietàrios o possessores de cortes e de àreas fraigadas e nono, de providire a sa cura e a sa bonifica issoro messende s'erba e pesendende s'istula de sa messadura o de s'aramingiu (de 20 - 30 tzentimetros).

2. A is propietàrios o possessores de fràigos urbanos tentos male de tènnere lìmpios, e puru de providire a messare e a nde pesare s'erba segada siat in s'internu de su terrinu, siat in is terrinos a ingiriu.

3. A is propietàrios o possessores de cortes o cungiados, cunforma a su comma 1, de lassare prenos, pro non prus de una chida, putzos, cisternas, istèrgios sena defensa s'isvilupu de tzintzalu.

4. A is propietàrios e/o pesoneris de terrinos cara a is caminos comunales e de su sartu, de is erbas malas, orrù e eventuales refudos, s'àrea lacanàrgia a su caminu pùblicu pro una doa de a su mancu 3 metros a cumentzare dae sa làcana de is relativas pertenenzias de su caminu etotu.

5. A is propietàrios e/o pesoneris de terrinos agrìculos de creare una doa a inghiriu a is fràigos rurales e a is cungiados destinados pro serrare su bestiàmene, chi siant largos a su mancu 10 metros.

6. A is propietàrios e/o pesoneris de terrinos sitiados in is àreas urbanas perifèricas, de fàghere, fatu fatu de

su perimetru, doas narbonadas chi tèngiant una larghesa non prus piticas de 5 metros;

7. Sa pudadura de naes, cambos e matas cara a sa sede istradale e is àreas públicas pro chi non essant a artària inferiore de 5,00 metros;

8. Sa netesa fitiana de sa terra pública de fògias, ramos e frutos de is matas.

PRESCRIET

Is disponimentos prevididos dae s'articulu 1 ant a dèvere èssere esecutados in deretura intro e no a pustis de sa data de su 15 LÀMPADAS 2023, in prus su proprietàriu o possessore de is àreas numenadas ant a dèvere providire a sa netesa de is àreas comente iscritu in is disponimentos pretzedentes finas a su 31 MESE DE LADÀMINE, die atatzada pro su sessamentu de s'apretu pòngiat fogu e comente si siat ant a èssere eficatzes finas a sa rèveca dàbile de s'Ordinàntzia.

Dae su 15 maju e finas a su 31 de mese de ladàmine non s'at a pòdere afoghigare e abrugiare erba sicada, orrù e cosa gosi, si non cun apòsita autorizazione donada dae su Corpus Forestale e Vigilàntzia Ambientale istatzione forestale de Pauli Gerrei.

Is manifestatziones pirotècnicas previstas in su “perìodu de arriscu de fogu”, est a nàrrere dae su 01 de làmpadas a su 31 de mese de ladàmine, divent èssere autorizadas dae su Servìtziu Territoriale de su Corpus Forestale e de Vigilàntzia Ambientale cumpetente pro territòriu, a pustis de recherta formale dae imbiare a su mancu 10 dies a in antis de s'ispetàculu.

In casu de inosservàntzia de custos disponimentos e coladu su tèrmine ùrtimu pro s'esecuzione de su chi est dispostu cun sa presente Ordinàntzia, s'at a protzedire a sa betaduta de is sanziones previstas, chi ant a sighire a sa difida formale a pònnere mente a su chi est dispostu, intro 15 dies dae sa data de notifica.

Decùrridu custu tèrmine su Comunu at a providire direttamente a fàghere esecutare is interventos netzessàrios betende is ispesas a is inadempientes interessados.

S'inosservàntzia de is òbrigos e de is proibitziones disciplinadas dae sa presente Ordinàntzia, fata sarva s'atzione penale, a norma de s'art. 650 de su còdighe penale, at a cumpotare s'applicazione de una sanzione amministrativa in dinari dae €. 25,00 a €. 500,00 comente dispostu dae su comma 1 bis de s'art. 7 bis de su T.U. 267/2000, introduidu dae su D.L. 31/03/2003 n.° 50.

AVISAT

Pro su chi pertocat eventuales cuntentziosos relativos a sa violatzione de sa presente Ordinàntzia ant a èssere aplicados is printzipios istabilidos dae sa Lege 689/1981 e cambiamentos e integrazziones imbenientes e chi s'autoridade cumpetente est su Sindigu chi, in is tempos e in is modos de lege, ant a pòdere èssere ispedidos is iscritos difensivos.

Chi a norma de s'art. 3, comma 4 de sa Lege 7 austu 1990 n. 241 e s.m.i, contra a sa presente Ordinàntzia, in aplicazione de su Decretu Legislativu 104/2010, est ammitidu ricursu a su T.A.R. Sàrdigna intro 60 dies dae sa publicatzione de su presente atu, overas ricursu Istraordinàriu a su Presidente de sa Repùblica intro 120 dies a cumentzare dae su matessi tèrmine.

INFORMAT

Chi sa violatzione de is pretzetos cuntènnidos in s'Ordinàntzia Regionale Antintzèndiu publicada e unida a sa Deliberatzione G.R. n. 17/53 de su 4.5.2023 sunt santzionados a norma de sa lege de su 21 onniasantu 2000, n. 353, gasi comente modificadu dae su DL 08/09/2021, n. 120 convertidu, cun mudas, de sa L. 8/11/2021, n. 155 e de s'art. 24, commas 5 e 6, de sa lege regionale 27 abriale 2016, n. 8, segundu su chi est inditadu in su "Alliongiadu D" (Prontuàriu de is santziones amministrativas) chi in modu testuale narat : sunt punidas a norma de s'articulu 10, comma 6, de sa lege 21 de onniasantu 2000 n. 353 (comente modificada dae su decretu-lege 8 cabudanni 2021, n. 120, convertidu cun mudas, in sa lege 8 onniasantu 2021, n 155) chi prevedet s'applicatzione de sa santzione amministrativa de su pagamentu de una summa de èuros 5.000 a èuros 50.000.

Est fatu òbrigu a chie si siat de respetare sa presente Ordinàntzia.

S'ufitziu Tècnicu Comunale est incarrigadu de s'esecuzione de sa presente Ordinàntzia in manera relativa a is àreas e a is tretos de propiedade Comunale;

Is Agentes de sa Politzia Locale, sa Fortza Pùblica e is Autoridades sanitàrias, sunt incarrigadas de fàghere respetare is disponimentos detados dae su presente providimentu.

DISPONET

Chi a sa presente Ordinàntzia siat donada publitzidade adeguada in is formas e in is tèrmines de lege a is sighbentes Autoridades e sugetos:

- A su Servitziu Ùnicu de Politzia Locale de s'Unione de is Comunos de su Gerrei – Sede Pranu Sànguni
- A s'Istazione Carabinieri de Armungia - Armungia
- A s'Istazione Corpus Forestale e Vigilàntzia Ambientale de Pauli Gerrei- San Nicolò Gerrei
- A s'Ufitziu Tècnicu comunale- Sede
- A s'Albu Pretòriu in lìnia de su Comunu de Ballau

Ballau, Ballao 16/05/2023

IL SINDACO / SU SINDIGU
(dot. Gian Franco Frongia)